



FUNDARGERÐ 489. FUNDAR STJÓRNAR SORPU

Stjórnarfundur SORPU bs., kt. 510588-1189, þriðjudaginn 5. desember 2023. Fundurinn er settur klukkan 08:00. Fundurinn er staðfundur að Köllunarklettsvegi 1, 104 Reykjavík.

Fundarstjóri: Valdimar Víðisson, formaður stjórnar.

Fundarritari: Gunnar Dofri Ólafsson.

Sækja fund: Aldís Stefánsdóttir, Guðfinnur Sigurvinsson, Magnea Gná Jóhannsdóttir í fjarveru Árelíu Eyðísar Guðmundsdóttur, Orri Hlöðversson, Svana Helen Björnsdóttir, og Valdimar Víðisson.

Jón Viggó Gunnarsson framkvæmdastjóri, Gunnar Dofri Ólafsson, samskipta- og viðskiptaþróunarstjóri, og Sigríður Katrín Kristbjörnsdóttir fjármálastjóri, sækja staðfund.

Til fundarins hafði verið boðað með lögformlegum hætti í samræmi við starfsreglur stjórnar og er því fundurinn ákvörðunar- og ályktunarþær.

Tekið fyrir

1. Málefni endurvinnslustöðva – farið verður yfir verkefnatillögu vegna framtíðarskipan endurvinnslustöðva og verkefnatillögu vegna staðsetningar stöðvar í stað Dalveg

Guðmundur Tryggvi Ólafsson, rekstrarstjóri endurvinnslustöðva, og Karen Hulda Kristjánsdóttir, verkefnastjóri á endurvinnslustöðvum, taka sæti á fundinum. Guðmundur greinir frá vinnu ráðgjafa við staðarvalsgreiningu á endurvinnslustöðva á höfuðborgarsvæðinu, og verkefnalýsingu starfshóps um nýja staðsetningu í stað endurvinnslustöðvarinnar við Dalveg.

„Stjórn SORPU fagnar því að vinna við heildstæða stefnumótun fyrir endurvinnslustöðvar SORPU sé hafin. Stjórn leggur til að skipaður verði starfshópur, sem samanstendur af tæknimönnum sveitarfélaganna sex, sem þegar hafa með góðum árangri samræmt sorphirðu á höfuðborgarsvæðinu og komið á sérsöfnun á matarleifum, undirbúið samræmda útfærslu á grenndarstöðvum, samþykktum fyrir sveitarfélögin í úrgangsmálum, og samræmingu á gjaldskrárgrunni fyrir gjöld sem snúa að meðhöndlun úrgangs. SORPA leggi hópnum til verkefnastjóra og starfshópur kynni framgang verkefnisins reglulega á stjórnarfundi, og skili lokaafurð 1. október 2024.

Stjórn felur framkvæmdastjóra að rita erindisbréf starfshópanna.“

Guðmundur og Karen víkja af fundi klukkan 08:37.

2. Innri endurskoðunaráætlun SORPU bs. kynnt

Guðfinnur Sigurvinsson tekur sæti á fundinum klukkan 08:40.

Jón Sigurðsson endurskoðandi PwC, og Sigrún Guðmundsdóttir, endurskoðandi í endurskoðunarnefnd SORPU, taka sæti á fundinum með fjarfundarbúnaði klukkan 08:40.

Gestir gera ráð fyrir innri endurskoðunaráætlun SORPU bs.

Gestir víkja af fundi klukkan 08:59.

Stjórn samþykkir framlagða innri endurskoðunaráætlun.



3. Pokar undir matarleifar – minnisblað frá tæknimönnum sveitarfélaga kynnt

Ísól Fanney Ómarsdóttir, verkefnastjóri hjá SORPU, tekur sæti á fundinum klukkan 09:00.

Ísól Fanney og Gunnar Dofri gera grein fyrir minnisblaði um áframhaldandi dreifingu á pokum undir matarleifar.

„Stjórn SORPU fagnar góðum árangri af nýju sorphirðukerfi. Árangur af því er framar vonum og ljóst að íbúar á höfuðborgarsvæðinu hafa tekið vel í nýtt kerfi. Til að tryggja áframhaldandi árangur í flokkun matarleifa er mikilvægt að halda áfram gjaldfrjálsri dreifingu bréfpoka til íbúa að sinni. Stjórn felur framkvæmdastjóra að tryggja að svo verði, og tryggja markvissa dreifingu bréfpoka til íbúa á starfssvæði SORPU.“

Ísól vísar af fundi klukkan 09:27.

4. Erindi frá áhættunefnd SORPU – kynning og samþykkt á stefnum SORPU bs.

Bergþór Guðmundsson, sérfræðingur í gæðastjórnun hjá SORPU, tekur sæti á fundinum klukkan 09:28.

Bergþór og Sigríður kynna samþykkt á stefnum SORPU er varða upplýsingaöryggi, innkaup, mannauðs- og launastefna, og öryggis- og heilbrigðisstefna.

Sigríður gerir grein fyrir áhættuskrá SORPU.

Stjórn samþykkir fram lagðar stefnur SORPU. Stjórn felur framkvæmdastjóra jafnframt að uppfæra skipurit SORPU þannig að áhættunefnd SORPU heyri beint undir stjórn.

Bergþór vísar af fundi klukkan 09:40.

5. Staða og horfur á útflutningi á blönduðum úrgangi til orkuvinnslu

Framkvæmdastjóri gerir grein fyrir útflutningi á blönduðum úrgangi til orkuvinnslu. Fyrstu baggar af blönduðum úrgangi voru settir í gám þann 1. desember síðastliðinn og verða fluttir út til orkuvinnslu þann 6. desember. Gert er ráð fyrir að útflutningur á blönduðum úrgangi til orkuvinnslu taki alfarið við af urðun í Álfsnesi um miðjan desember.

Stjórn fagnar því að útflutningur á blönduðum úrgangi sé hafinn, með tilheyrandi samdrætti í urðun í takt við nýjan viðauka við eigendasamkomulag SORPU.

6. Erindi frá Félagi atvinnurekenda

Framkvæmdastjóri gerir grein fyrir erindi frá framkvæmdastjóra Félags atvinnurekenda vegna hvatningar SORPU á svokölluðum svörtum föstudegi þann 24. nóvember síðastliðinn að staldra við og halda kaupum í lágmarki.

Málið er tekið til umræðu og framkvæmdastjóra falið að svara erindinu.

7. Áfrýjun á dómi Landsréttar í máli ÍAV og SORPU bs.

Framkvæmdastjóri gerir grein fyrir þeirri ákvörðun að fela lögmönnum SORPU í málinu að leita heimildar til áfrýjunar niðurstöðu Landsréttar til Hæstaréttar.



Næsti fundur

Næsti fundur er boðaður 19. desember klukkan 08:00.

Fleira var ekki gert og fundi slitið 10:08.



Til: Framkvæmdastjóra og stjórnar SORPU bs.

Frá: Guðmundi Tryggva Ólafssyni, rekstrarstjóra EVST

Efni: Starfshópur um framtíðarskipulags endurvinnslustöðva á höfuðborgarsvæðinu

Reykjavík, 4. desember 2023

Framtíðarskipulag endurvinnslustöðva á höfuðborgarsvæðinu

Samantekt:

- SORPA rekur sex endurvinnslustöðvar sem taka á móti 50-60% alls þess úrgangs sem heimilin framleiða
- Ein þeirra er endurvinnslustöðin á Sævarhöfða, sem mun loka um leið og ný stöð á Lambhagavegi opnar
- Tími er komin til að uppfæra hönnun stöðvanna, gera þær öruggari, skilvirkari og skapa þar aðstæður sem tryggja betri afkastagetu og miðast hönnun stöðvarinnar á Lambhagavegi við þær kröfur
- Ákall er frá eigendum, stjórn og notendum að færa restina af kerfinu til betri vegar og því er lagt til að stofnaður verði starfshópur sem hefur það að markmiði að útfæra framtíðarskipulag endurvinnslustöðva á höfuðborgarsvæðinu
- Kallað er eftir útnefningum í hópinn frá stjórn

Endurvinnslustöðvar sveitarfélaganna eru liður í að sveitarfélögin geti sinnt skyldum sínum í samræmi við ákvæði laga nr. 55/2003 um meðhöndlun úrgangs með síðari breytingum. Lögum þessum samkvæmt er sveitarfélögunum ætlað að ná auknum árangri við flokkun, endurvinnslu og endurnotkun úrgangs. Endurvinnslustöðvarnar veita heimilum og minni rekstraraðilum grunnþjónustu sem góð sátt ríkir um.

Endurvinnslustöðvarnar eru að Breiðhelli undanskilinni reknar með samskonar fyrirkomulagi og farið var af stað með fyrir um 30 árum en ákall er frá notendum um að uppfæra hönnun stöðvanna og bæta aðgengi og þjónustustig. Tími er því komin til að uppfæra hönnun stöðvanna, gera þær öruggari, skilvirkari og skapa þar aðstæður sem tryggja betri afkastagetu og þjónustu.

Nú þegar eru fyrirsjáanlegar breytingar á núverandi staðsetningu nokkurra endurvinnslustöðva. Kópavogsbær hefur boðað lokun stöðvarinnar á Dalvegi í september 2024 og stöðinni á Sævarhöfða verður lokað fyrrihluta árs 2025. Ný stöð mun opna á Lambhagavegi 14, fyrrihluta árs 2025.

Vegna fyrirsjáalegra breytinga er lagt til að stofnaður verði starfshópur á forræði stjórnar SORPU og er kallað eftir hugmyndum frá stjórn um skipan hans.

Hlutverk starfshópsins verður að fara yfir núverandi stöðu, greina þarfir, fyrirleggjandi skyldur og leggja drög að framtíðarsýn sveitarfélaganna á höfuðborgarsvæðinu að fjölda og staðarvali endurvinnslustöðva. Nánar tiltekið er hópnum falið að:

1. Taka saman núverandi stöðu, afla allra helstu upplýsinga og forsendna
2. Uppfæra gögn um uppland stöðva, áhrif fjölda og staðsetninga
3. Ákveða þjónustuviðmið
4. Gera tillögu að staðsetningum og fjölda endurvinnslustöðva
5. Gera áætlun um hvenær hver stöð verður tekin til notkunar
6. Gera kostnaðar og fjármögnunaráætlun

Starfshópurinn skal skila niðurstöðum og tillögum sínum til stjórnar SORPU fyrir 1. október 2024.



Til: Stjórnar SORPU bs.

Frá: Ísól Fanney Ómarsdóttur verkefnastjóra

Efni: Áframhaldandi gjaldfrjáls dreifing bréfpoka fyrir matarleifar

Reykjavík, 1. desember 2023

Áframhaldandi gjaldfrjáls dreifing bréfpoka fyrir matarleifar

Samantekt:

- Tæknimenn sveitarfélaganna og SORPA leggja til að haldið verði áfram að bjóða íbúum á höfuðborgarsvæðinu gjaldfrjálsa bréfpoka í að minnsta kosti tvö ár
- Gjaldfrjálsir bréfpokar eru taldir mikilvægir í að tryggja rétta flokkun og hreinleika þess efnis sem berst í GAJU
- SORPA mun bjóða út kaup á að lágmarki 20 milljón bréfpokum á næstu tveimur árum, með möguleika á kaupum á 30 milljón pokum í viðbót, samtals 50 milljón pokum

Innleiðingu á sérsöfnun fjögurra flokka við heimili á höfuðborgarsvæðinu er lokið. Vel hefur gengið og mikill árangur náðst í því að fá íbúa til að flokka matarleifar frá öðrum úrgangi. Allt bendir til að um 65%-75% árangur hafi þegar náðst í að flokka matarleifar frá öðrum úrgangi, sem er 25 % umfram þær væntingar sem gerðar voru til innleiðingarinnar á fyrsta ári. Að sama skapi er hreinleiki þess efnis sem berst til GAJU frá heimilum á höfuðborgarsvæðinu mikill.

Hluti af ástæðunni fyrir þessum árangri og hreinleika efnisins er talin vera gjaldfrjáls dreifing á bréfpokum til íbúa. Keyptar voru 20 milljónir poka, hvar af helmingi var dreift samhliða innleiðingu. Hinum helmingnum hefur verið miðlað gegnum samstarfsaðila, sem eru allar stóru verslunarkeðjurnar í eigu Haga, Festi og Samkaupa og hefur samstarfið gengið vel.

Í ljósi samtala við erlenda aðila sem hafa farið í sömu vegferð og við þá voru það ráðleggingar þeirra til okkar að það þyrfti að gefa pokana í einhver ár til að ná að festa söfnunina í sessi. Reynslan frá Akureyri var líka sú að eftir að hætt var að dreifa pokum fóru allskyns óæskilegir pokar að berast utan um lífræna úrganginn.

Í umræðum á vettvangi tæknimanna sveitarfélaganna hefur verið samhljómur um það að nauðsynlegt sé að dreifa pokunum gjaldfrjálst í einhvern tíma í viðbót. SORPA gerir ráð fyrir að dreifa pokum gjaldfrjálst til íbúa í að minnsta kosti tvö ár í viðbót. Í undirbúningi er útboð á kaupum á 20 milljón pokum yfir tveggja ára tímabil, með möguleika á að kaupa allt að 30 milljón poka til viðbótar, samtals 50 milljón poka.

Sorpa bs.
Jón Viggó Gunnarsson framkvæmdastjóri
Köllunarklettsvegi 1
104 Reykjavík

Reykjavík, 29. nóvember 2023

Efni: Auglýsingaherferð Sorpu vegna „svarts föstudags“

Í Félaga atvinnurekenda (FA) eru fjölmörg verzlunarfyrirtæki, sem skapa þúsundir starfa og miklar skatttekjur, meðal annars fyrir sveitarfélögin sem eru eigendur Sorpu bs. Eigendum margra þessara fyrirtækja kom spáskt fyrir sjónir að heyra opinbert fyrirtæki hvetja neytendur til þess í auglýsingaherferð að verzla minna og nýta sér ekki tilboð á svokölluðum svörtum föstudegi.

Sorpa efndi í síðustu viku til herferðar, eins og það er kallað á vef fyrirtækisins, til að hvetja fólk til að „stalda aðeins við“, slaka á og „kaupa minna“. Í auglýsingunum var að finna fullyrðingar eins og eftirfarandi:

„80% af því sem keypt er í dag endar í ruslinu eftir litla sem enga notkun“

„70% raftækja sem keypt eru í dag er ekki hægt að endurvinnna“

„60% af fatnaði sem keyptur er í dag endar í urðun“

FA óskar svara um það frá Sorpu bs. hvaða rannsóknir og greiningar liggi að baki þessum fullyrðingum og hvort fyrirtækið telji að þær standist ákvæði 6. gr. laga nr. 57/2005 um eftirlit með viðskiptaháttum og markaðssetningu, um að auglýsendur verði að geta fært sönnur á fullyrðingar sem fram koma í auglýsingum eða með öðrum hætti.

Jafnframt er óskað eftir rökstuðningi fyrir því hvernig fyrirtækið telji að áður nefnd auglýsingaherferð samrýmist hlutverki Sorpu bs. samkvæmt stofnsamningi félagsins frá maí 2007.

Virðingarfyllst,



Ólafur Stephensen
framkvæmdastjóri FA